

第二冊

祠廟
慶祝

剝宇
哀輓

古今聯語彙選二集

商務印書館發行

祠廟二

臺灣延平王廟閩撫王文勤公凱奏聯云

忠節感蒼穹大海忽將孤島現 經綸關
運會全山留與後人開

甘肅李蒼石代人撰秦州宋荔裳先生祠水亭聯

北枕堅城勞公百堵經營不放山雲低度
西襟蕭寺爲我一池寫照頓教水月通
明

蓋城爲宋修水月寺其西鄰也

安溪蔣侯祠聯

從無仙宰不風流想當年春雨泥融吏散
定裁千竹 誰道清溪忘雅化看此日
依然舊護我來猶讀百年碑

吳山阮公祠聯

詞臣建節大書登庸極祿位壽之尊溯通
家接武科名曾向北湖分片席 文選樓
成者英社啓立德言功不朽記總角親承
顏色更從西浙仰高山

又李桓聯

我公爲當代名臣緬節鉞巡方校士肇經
輿論至今稱學海 此處是重陽福地仰
春秋享祀報功崇德君恩特許賜吳山

又劉克成聯

邦水萃鄉賢歷推後起人文誰能爲一代
經師三朝相業 吳山崇廟貌恰好重陽
福地真箇看西湖月滿東浙潮來

又應實時聯

鉅典重易名裘氏秋官紀氏春官一字榮
褒非公莫爲之後 崇祠開勝地學臣教
術疆臣治術萬家戶祝到今民不能忘

又德曉峯方伯集公句聯

胸前泉石千層起 眼底江湖一望通

又時慶萊聯

爲三朝宰輔是百世經師功德到今稱幸
持一瓣心香瞻拜先生新殿宇 聽萬弩
潮聲覽六橋風景湖山如此好每憶二分
明月依稀丞相舊祠堂

又方鼎銳聯

詰經舍廣學海堂深本道德以策治安一

代偉人循吏大儒應合傳 九省疆臣三
朝元老由節鉞而躋臺鼎百僚師表文章
通達錫嘉名

盛旭人題吳山趙恭毅公祠聯

正氣遏潮頭不須越弩三千偉烈直追錢
武肅 遺徽瞻廟貌分占吳山一角叢祠
近接阮儀徵

耿精忠之變李制軍之勞力扼衢州以保下游杭

垣得全軍民爲立生祠聯云

淮蔡之功茂矣抑又過之大難削平重奠
東南半壁 琴鶴之操凜然於今爲烈名
賢繼起恰符五百餘年

開封僧王祠正殿有河南巡撫李鶴年聯云

領袖四十八部獨抱精忠聽中原父老謳
歌儼然異姓汾陽大名諸葛 承平二百
餘年重扶景運祝此後神靈翊佑長與河
流萬古嵩岳千秋

李竿仙題曾公祠聯

前不見古人後不見來者 下則爲河岳
上則爲日星

曾公重任兩江時竿仙來謁詢其有無近作李曰
近集成句一聯卽前不見古人後不見來者下則
爲河岳上則爲日星是也文正笑曰此四句我死
後爲祠堂楹聯却好無何文正卒竿仙竟如公言
書聯以獻懸堂柱焉

曾文正公專祠遍東南而在江甯清涼山者尤宏

麗薛慰農觀察時雨題聯云

維嶽降神建補天浴日元勳俎豆蒸嘗曠
典邁雞鳴十廟 以勞定國增鍾阜石城
名勝香花戶祝斯人比龍臥千秋

浙省有羅壯節王貞介合祠壯節名遵殿乙未進

士浙江巡撫貞介名友端丁未進士署浙江布

政使同死庚申之難者也高滋園都轉聯云

由名進士起家爲名臣一開府一開藩浙
東西崇德報功人與白蘇共千古 是大
丈夫出身臨大節以戰死以守死城內外
矢窮援絕天教巡遠作雙忠

西湖蔣果敏祠聯

誠意所加國論所倚 前峯如幙後壠如

屏

又聯

時局猶艱公須有諸葛後身血性去當天
下事 人心不死我曾佐令狐記室湖山
親見昔年遊

西湖劉果敏祠聯

由駱文忠薦辟起家績佐中興豈獨大名
垂北塞 偕蔣果敏提兵援浙謚同兩字
並開靈宇鎮西湖

又陳士杰聯

從左相國而來電掃雷轟力戰始有今日
距蔣公祠不遠風晨月夕過談當似平
生

又徐花農聯

岳麓起書生溯中興草莽英雄應不愧入
關鄧禹 湖波皆惠澤薦一酌桃花春水
倍難忘前度劉郎

又長白德驥聯

溪水度西冷曲檻平分葛嶺月 寺雲隔

南浦疎鐘搖破鳳林烟

又豐紳泰聯

蓮葉東西臨水檻 柳條南北看山樓

又成允聯

白雲自占南北嶺 明月誰分裏外湖

又某君聯

乾坤底定龍蛇蟄 風月清涼鷗鷺閒

濟南張勳果祠聯

遺像肅清高功若汾陽忠如武穆每當中原板蕩天產異人間氣應知鍾河嶽崇祠宰肅爽鵠華張蓋千佛堆屏猶想萬帳森羅令嚴上將儲胥常見護風雲

又聯

公有功若歷山高我欲瑯琊刻石徂徠摩崖鑿百戰空羣之偉績靈其來兮靡笄下誰持肥縣碧桃樂陵丹棗獻九歌傳舞以迎神

又宮子行刺史用宋人句題公浙省專祠聯

新祠民祭祀 舊債帝償還

真州卜賢第題西湖彭剛直祠聯

古今聯語彙選二集 祠廟二

天語極哀榮無欲則剛直節真堪並南嶽
帝恩容退省有功斯祀專祠長許傍西湖

又布政使許應鑄聯

公威懾華夷提勁旅下牂牁百粵騰歡以忠義感人心耳溯大角高臺身臨前敵中流砥柱力控上游喜斯時滄海波澄承平有慶而南方卑溼地與士卒同嘗艱苦老臣期盡瘁頓教痼疾入膏肓徒使楚庭耆舊蠻島黔黎仰颯爽旌旗憶指揮羽扇眷言廬宇我亦蒼生涕泣述豐功峴首難忘
羊太傅 帝恩曠今古界名邦作湯沐一龕退省況俎豆從民望乎對雙峯聳翠岸

憤當風三塔明漪塵襟澣月幸歷歲長江
天塹刁斗無聲且西湖雲水鄉料精魂猶
或往來列帥本同胞應共寒芒照箕尾願
偕越國摺紳錢塘部曲訪衡湘軼事譚皖
鄂戎勛肅拜崇祠薦傾白醴趨踰成鉅典
壺頭永奠馬將軍

又李光久聯

萬里掃妖氛收還三竺六橋龍虎韜鈴初
試手 千秋隆廟祀對此湖光山色薦魚
飛躍亦銜恩

楊昌濬題左文襄祠聯

地近岳王墳死後不孤蔣廟劉祠皆舊部
奠酌聖湖水生前有語六橋三竺許重

來

徐莊愍公名有壬官江蘇巡撫死於庚申之難其

妻暨子女殉焉後建專祠俞曲園先生聯云

仗節鎮危疆當軍事土崩瓦解不可收拾
之時視城中無固志視城外無援兵摩頂
踵以報君恩婦豎輿臺同授命 結纓完
大義與謚法履正志和使民悲傷有合在
吳會爲名臣在吳興爲先達節春秋而修
祀典日星河嶽共昭垂

咸豐間官文恭胡文忠捍衛全湘厥功甚鉅士民

祀二公於黃鶴樓姚崇聯云

功業本忠勤苦陶公今胡公此地此人要
使山河萬古 風雲無改變仙出世儒入

世倏來倏往笑看江漢雙清

肇慶府張忠武公國樑專祠聯

百戰子龍身是膽 千秋袁粲死猶生

左文襄撰壯勇義塚聯

無求生以害仁死且不朽 爲厲鬼而殺賊魂兮歸來

陳忠愍化成以江南提戎督軍於吳淞中炮陣亡

勅建專祠熊觀察一本聯云

昔時未讀五車書雅量清心溫如玉冷如冰
冰是大將實是大儒使天下講道論文人
愧死 此日竟成千載業忠肝義膽重於
網罟於石吾身不忘吾主任世間寡廉
鮮恥賢儼生

薛慰農觀察題向張二公祠聯云

百戰建殊勛身歷多艱非巡遠誰作汾淮
障蔽 雙忠崇大節功成諸將惟宗李實
開韓岳先聲

周馥題保定淮軍昭忠祠聯

重寫戰場文三輔河山常在目 偶吟故
鄉樂八公草木尙如神

無錫惠山昭忠祠有合肥李鶴章聯云

死事念諸君尙落得一席名山千秋俎豆
封侯嘆我輩倒不如杖游南嶽釣隱西
湖

金陵僧月潭工詩文善書影剛直甚器重之其題

昭忠祠也園聯云

此日名園疏地脈 當年壯士挽天河

浙江藩署前有山名蛾眉同治甲子歲俞曲園先

生與諸同志於其地建崇義祠祀庚辛死難諸

公祠之右積石嵯峨乃山之峯也面峯有屋三

間顏曰蛾眉山館並移大洞經閣宋思陵御書

道德經石幢於其前曲園先生題聯云

古墨尙存宋時石 遙青如對蜀中山

又李文忠聯

亭館接郊畿舊是宋遼分界地 鼓鼙思

將帥今看周漢再興年

浙省學宮旁忠義祠聯

近聖人之居容光必照 遵海濱而處明

德惟馨

某鄉忠義祠聯

自古皆有死 所欲甚於生

朱其詔題西湖林少尉墓聯

大節繼高風光耀一門俎豆 小臣知死

所香分萬樹梅花

少尉諱汝霖仁和典史闔門殉粵難葬處士墓西

又仁和董敬甫工部懋行聯

勁節抗冰霜千樹梅花皆玉照 叢祠倚

林麓滿山鶴唳卽神絃

又薛慰農聯

大節匹閻公取義成仁青史從今尊縣尉

忠魂依處士補梅招鶴孤山終古屬林

家

仁和徐花農琪韓江吳公祠聯

爲民請命誠通於天風雲來護神旗始信
吾鄉鍾間氣 振古如茲德無不報橋梓
同官粵會爭誇循吏有傳人

吳雲帆先生亦浙人昔官斯土多惠政其禱雨事
尤傳誦衆口

又題雷州陳清端公祠聯

海內數六清端惟我兩奉使來得以輜軒
瞻並美 人生有幾知己自公百餘年後
尙留文字話因緣

原註清端公爲康熙名臣實先文敬公會試總裁
所得士今其裔孫又爲予所拔國朝有清端六予
典試山右于清端後人以其先集見貽今到粵又

得陳清端集是予之所到皆有一清端矣

劉忠誠祠落成外務部左丞某公聯云

可託六尺孤可寄百里命公無愧焉君子
與君子也 因保半壁地遂安九廟靈功
誠偉矣如其仁如其仁

林迪臣太守清末守杭興蠶桑創學校有文翁之
化卒於官吏民爲立祠孤山之麓山有林處士
和靖墓又有林少尉汝霖廟孤山一角均屬林
氏隱逸名宦可以合傳邦人士撰一聯刊林太
守祠柱云

樹穀一年樹木十年樹人百年兩浙無兩
處士千古少尉千古太守千古孤山不
孤

吳小宋大令章祁宰蓬溪有政聲民爲立祠聯云

修其孝弟忠信可使制梃故曰仁者無敵
保我子孫黎民尙亦有利以此沒世不

忘

葉文忠公祠中有別室奉公小像座前柱上鐫公

自題聯云

黃閣誤承恩歎此日經綸辜負了金甌玉
鉉 青山頻入夢留衰年精力準備著竹
杖芒鞋

西湖長生祠極多楹聯佳者如莫寶齋侍郎題諸

城寶東臯總憲光前長生位云

憐才心事無雙教澤深長留學校 知己
平生第一師恩高厚並君親

又劉金門侍郎長生位聯

歸興託尊鱸一代文章留北闕 清芬接
梅鶴百年風教在西湖

梁氏墓道在西湖之後湖爲山舟學士之祖墓有

聯云

榮哀名德光千禩 仙隱風流配兩湖

朱子勤題廣州府學宮內孝弟祠壁聯

虛堂雅有三魚頌 古識新繙百鹿文

會稽陶社聯

由愛物至仁民先放生公所繼東湖書院
終法政學堂若論設施有功德於人自當
祀諸里社 擅詞章而金石碑版數百通
詩文數萬言校勘數千卷及觀著作踵李

趙而起可以藏之名山

陶社內附祀陶煥卿烈士朱興武將軍瑞聯云

革命十餘年亡命十餘年草草勞人半段
綠沈長飲恨 西湖一勺水東湖一勺水
家家春社數聲銅鼓唱迎神

葉頌清題朱興武墓聯

養士敢彎弓天上英靈白水此心誓知己
事農曾解甲田間舊部青山有淚哭將
軍

又王葆楨聯

倚不死定作勞人看兩年雨覆雲翻大陸
龍蛇多厄運 卽再生難回時局料來日
內憂外患空山猿鶴有餘哀

古今聯語彙選二集 祠廟二

又孫秉彝聯

斯世盜橫行於今人鬼深愁湖山曠劫
我公天奪去失却東南柱石吳越干城

又洪士俊陳景林聯

拂袖遽騎箕空有名山埋劍履 看碑同
駐馬尙攀大樹想旌旗

又王大榮聯

讀罷渭陽詩十載相依獨感秦康高誼
長揮峴首淚九原不作忍過叔子遺阡

又曾士瀛聯

公是繼表忠觀一流至殒身猶尊正朔
我爲刊駁議書兩卷未覲面遙哭知音

又葉燮光聯

舉旂率子弟八千戮力北征赤幟重標新
建業 剪紙向丁沽七二招魂南返白衣
會葬古鹽官

又龔威海聯

安土是敦萬年不歷紅羊劫 長城竟壞
千古同傷黃鳥詩

又金然聯

勳名盛後慰心生毋怪當日風波若此
恩怨盡時公論出試聽將來月旦何如

又程尙登程尙豐聯

勳勞未受茅土之封今日及泉殆猶有憾
精氣不與草木同腐如水在地庶幾其
神

又張世楨聯

埋骨爲求山西白鶴東金牛踏破芒鞋纔
得此一坏乾淨 同心堪誓水朝吳頭暮
楚尾追隨戎馬忍重提千載艱難

又越鐸日報社同人聯

郭李相迫平勃失歡可憐愛國軍人暮夜
代篡新帥印 管樂有才關張無命怕聽
哀時野老夕陽閑話舊戎容

朱蘭坡爲同邑江氏祠堂撰聯云

梁貴胄唐遺忠易姓前徽崇一本 歛僑
居涇奠宅敦宗後嗣叙三支

蓋江本蕭也昭明太子之裔復顯於唐末以避難
改姓居歛之黃墩南宋徒涇總稱黃泥灘江氏積

其派則有三焉

又題朱氏支祠聯

春有心於露秋有心於霜遵戴記遺規欽
崇典祀 父之貴者慈子之貴者孝式文
公懿訓篤念倫常

此出聯尙可通用對語本文公家訓

婺源齊梅麓先生彥槐祠宇聯云

庸愚奮勉奮勉賢智賢智怠情怠情庸愚
十室內忠信原多祇在人心嚮往 富貴
驕奢驕奢貧窮貧窮勤儉勤儉富貴百年
中盛衰屢變非關天理循環

又題祠內正和堂聯

父子兄弟夫婦各敦其倫而一家正 水

火金木土穀各足於用而三事和

又集毛詩聯

凡今之人莫如我同姓 聿修厥德無忝
爾所生

又題祠內敬思堂聯

曲禮蔽於無不敬 逸詩刪以未之思

又一長聯云

士恆士農恆農工恆工商恆商族少閒民
便有興隆景象 父是父子是子兄是兄
弟是弟門無乖氣方爲孝友人家

石門高氏出齊公族由穀熟遷姑蘇晉元興時又

由蘇遷池州其地在九華山西南曰魁峯曰石
門曰桃塢皆其地也俞曲園先生題其祠堂聯

云

卜宅晉元興石門秋色桃塢春風聚九華
秀氣縣延累代簪纓後裔至今懷祖澤
溯源齊公族穀熟分支姑蘇別派守百禩
清芬崇奉不祧俎豆先祠終古傍魁峯

薛慰農觀察自題薛氏支祠聯云

吾先人由西蜀來茲啓十七世門楣只耕
讀相傳不敢遠引皇祖奚仲 予小子自
古杭罷郡承五百年堂構願本支勿替常
思勉爲善士居州

潮州黃家祠孝思堂聯

服勞非孝奉養非孝孝之量曷有極 入
廟有思過墓有思思此身從何來

閩縣曾伯厚孝廉福謙家廟有聯云

道統紹一貫之傳師孔友顏來者直開思
孟 文章擅八家之譽接韓步柳同時並
駕歐蘇

江右安福李氏祖祠聯

臚唱兒孫三百輩 經傳道德五千言

蓋唐時曾放宗人榜三百人也

劉介爾先生題祠堂聯

胥訓詁胥保惠胥教誨各守爾典率乃祖
考 以德進以事舉以言揚相觀而
善達乎朝廷 禮記

有題宗祠楹聯云

小宗人僅千家念析支分族仍共本源害

勿交讓利勿交征仁義而已矣孝弟而已矣
大祭歲惟一舉極展誠抒敬不過信
宿孚可用禴享可用簋玉帛云乎哉鐘鼓
云乎哉

祠宇兩廊聯

周旋中規折旋中矩 室事交戶堂事交
階

祠宇廳事聯

家肥則族肥不外親親長長數大事 視
遠而聽遠全憑子子孫孫一個心

祠宇冬祭聯

終始循環萬物有祖 天地交泰四海皆
春

新婚謁祠聯

迨其吉兮穀我士女 式相好矣惠予宗
公

又聯

先祖是皇肆筵設席 曾孫有慶鼓瑟吹
笙

西湖無祀木主廟有聯云

咳可憐窮性命做鬼無依禁不住放聲大
哭苦雨淒風螢火三更搖慘碧 吓你看
好兒孫克家有幾到不如異姓同堂秋霜
春露義田萬古薦馨香

琉球中山先王廟聯云

明德維馨克昌厥後 保世滋大載錫之

光

琉球蔡端明祠聯

傳家茶荔都成譜 遺愛枌榆尙有橋

又聯

王 迪維前光是彞是訓 昭哉嗣服宜君宜
